

предлагашь князьское<sup>27</sup> любочестие и прельщаяся глаголеши не твоим, но чюжим строителю быти! Человече! что себе прельщаеши и волею противляеши истинне? Како же забыл еси Павла, свыше глаголавшаго: «Никтоже воинствуа съплетается житейскими куплями»<sup>28</sup> и прочая? И паки той же: «Хотяще иже богатети падають в напастех и в сети»<sup>29</sup> и прочаа.<sup>28</sup> Не хошет тя Христос сицевыми оковы житейских печалей связатися, от них же рожаются всяко безаконие и неподобная дела. Но се паки аз горек вам являюся и дръз языком и безстуден, яко же вы глаголете. Аз же толико отстою теми хapatися, яко и владыце всех<sup>29</sup> молюся и большими сих поношенми от вас обогатися о его истинне. Ничтоже бо о семь обижу вас, но о вашем спасении распалем, яже к спасению вашему не престаю умыслити. Но о сих убо толико довлеють.

Понеже бо в вашем писании глаголете, яко аще || моимъ словесем по- л. 273  
слушать предстателие церквам божиим, запустети имуть<sup>30</sup> церкви божиа<sup>31</sup>  
и монастыре. Недобре и о семь мудроствуете, яко же о прочих, и сие стра-  
жите вящшее от непоучения святых писаний. Аще бо с духовным мудрова-  
нием и умным прилежанием прочли ли бысте, издавна ся убо исправили  
бысте. Ныне же за многое ваше нерадение пострадае реченное блаженным  
Давидом: «Се удаляющеця от тебе, погибнуть»,<sup>3</sup> а не и одръжащихся  
крепце божиих заповедей и закона его, таже глаголетъ святой дух, но  
что: «Светилник ногама моима — закон твой, и свет стезям моим».<sup>10</sup>  
Недивно убо, аще и вы, сицевым светилником и светом не осиаваемы, прет-  
тыкаетеся истинне и являетесь в истинну слепи,<sup>32</sup> осязюще стену, по  
притче. Осяжите убо слепии и разумеите, коли когда от века благочестиве  
и праведне поживше оставени быше от бога или лишашася нужных яже  
ко удовольнию? Не слышите<sup>33</sup> ли глаголющаго пророка: «Богатыи обни||- л. 273 об.  
щаша и взакаша, възыщущей<sup>34</sup> же господа не лишастя всякаго блага?».<sup>11</sup>  
И паки той же: «Господь не лишит благая ходящих в безлобии».<sup>11, а</sup>  
И паки той же: «Не видех праведнаго оставлена, ниже семья<sup>35</sup> его ищущее  
хлеба».<sup>6</sup> Где вера наша, о человеци? Не слышим ли господа глаголюща:  
«Пръвие ищите царствие божие и правду его, и сиа<sup>36</sup> приложатся вам!».<sup>6</sup>

<sup>27</sup> 2 Тимоф. 2. 4. <sup>28</sup> 1 Тимоф. 6. 9. <sup>29</sup> Псал. 72. 27. <sup>30</sup> Псал. 118. 105. <sup>31</sup> Псал. 33. 11.  
<sup>32</sup> Псал. 83. 12. <sup>33</sup> Псал. 36. 25. <sup>34</sup> Матф. 6, 33.

<sup>27</sup> княжеское C<sub>1</sub>C<sub>2</sub>C<sub>3</sub>. <sup>28</sup> В C<sub>1</sub>C<sub>2</sub>C<sub>3</sub> далее следует текст: Ниже бо прабаба наша Евва, ниже Адам праотець прощения получиша. Евве убо на прельстившего ю змия, Адаму же на данную себе от бога в помощь жену вину положившим, но паче и сего ради казни быша, и райския пища лишени бывше, и смърти праведне подложени. Аще же они сице люте казни быша, едину заповедь преступивше, что мы пострадати чаем, сице явствене всяческо апостольско и отеческо законоположение попирающе, и еже горшее се, и на самая святая писания лжуще, якоже многажды речеся нами. Кая же и благочестивым князем, сиа богу принесшим, польза оттуду мощно есть прибыти, егда вы неправедно и лихоимствене приношения их устраняете, противу благочестивыа их мысли стоите? Сами убо пребогатеюще и питающеся несытно и паче иночския потреби, работающей же вам в селех христиане, братиа наша, нищетою последнюю сживуше, или к безвременным служаниам вашим не удовлеют и елико отданиам лихв не изнемогают, нагы, увы, и биени от сел ваших изгнани быша. Коль добра въздаянна въздаете благочестивою мыслию принесшим сиа богу благочестивым князем! Им бо боголюбезною мыслию богу сиа освящающим, яко потреби всякиа причитающася угодицы его, в молитве и прочем безмъльвии неоттръжно упражняются, избытъчствующая же от летних доходов на нищяа и приходящая странники с любовью изнуруют, да всеми бог прославляется. Вы же от многога безумия и самолюбиа и неблагодарства боголюбезный разум благочестивых князей преобидающе, все еже оттуду избыбиле летнее истекающее к себе приемлюще, ова убо в сребро превенившие о съгласии лихв в заим даете; ова же съблюдаете, да в времена скудости продаются, яко да мнойшая цены примете. Сице вы добры хранители бысте глаголющиа заповеди: «Не пецетесь о утренем, что ясте или что пиете или в что облечетесь» (Матф. 6. 25). <sup>29</sup> Так C<sub>1</sub>C<sub>2</sub>C<sub>3</sub>; в ркп. всем. <sup>30</sup> нещуют C<sub>1</sub>C<sub>2</sub>C<sub>3</sub>. <sup>31</sup> Нет C<sub>1</sub>C<sub>2</sub>C<sub>3</sub>. <sup>32</sup> слепци C<sub>1</sub>C<sub>2</sub>C<sub>3</sub>. <sup>33</sup> Слышиши C<sub>1</sub>C<sub>2</sub>C<sub>3</sub>. <sup>34</sup> възыскающей C<sub>1</sub>C<sub>2</sub>C<sub>3</sub>. <sup>35</sup> семени C<sub>1</sub>C<sub>2</sub>C<sub>3</sub>. <sup>36</sup> Доб. вся C<sub>1</sub>C<sub>2</sub>C<sub>3</sub>.